

宋朝大詔令集

宋朝大詔令集卷第一百十六

典禮一

封禪上

宰相等表乞封太山答詔

太平興國九年四月甲申

朕常已使觀書鑒前王之事迹多矣若乃至聖同堯大功起舜底績類于伯禹敷佑比於成湯然後可以高蹈介丘遊登日觀告成功於上帝祈業福於下民歷萬代以流光冠百王而擅美者也其或功虧治定德謝欽明道未洽於黎吐信未孚於寓縣女可告成天地展禮云亭朕日緝丕圖若涉淵水方思日慎以答天休止期祖洽於小康焉敢報言於大禮卿等忠於事主善則稱君誠雖可嘉事則未暇省覽數四愧畏良深所請宜不允

宰相三上表答詔

四月甲午

朕聞在昔帝王虞曆命麻周不登封於岱嶽降禪於云亭所以昭大業於寰區告成功於穹昊遠則軒皇舜后禮燭之迹可尋近則漢武元宗銘記之文斯在 家承百王之軌統撫萬國之蒸民廣唐梁離亂之餘接漢晉衰微之後四方軌尚未混同萬里土疆猶多僭偽肆予小子嗣守丕基九域之中既恢於禹迹八紘之內悉奉於周正帝業於是會昌人寰以之再造加之俗無疵癘歲有豐稔蓋上帝之儲休匪冲人之所及方思日慎一日安夫難安粗荅天休敢言特邁而宰衡庶尹方岳大臣蕃夷酋長之徒耆艾縞黃之輩共排閭閻三貢表章謂為治定功成可以繼三五之跡升中肆覲可以副億兆之心其辭確然無以避避且欲致孝以伸昭祀祈福以庇蒼生勉順群情良深愧畏朕以今年十一月二十一日有事于太山咨爾執事之臣暨于司禮之士各揚其職用副予懷永惟對越上元要在誠意修

靡之飾何所用焉況伏術素嚴文物昭備宜遵典故勿致煩勞諸路
藩鎮不得以修貢助祭為名輒有率斂底從儉以洽靈心凡
僚當體茲意

罷封禪十一月二十一日有事南郊詔

太平興國九年六月壬寅

朕以眇躬嗣守丕構涉道猶淺布政未孚中心惕然常所祇懼昊天
垂祐黔首小康豈年屢臻四郡不聳豈敢遐逸自懷宴安昨者文武
群臣泊乎考虀盈庭抗疏連袂扣閣謂當治平之時胡舉升中之禮
顧惟涼德豈所克堪而陳請再三因以俞允載惟盛禮終覺愧懷況
封禪之儀廢之已久百司祇奉辦集尤勞萬姓供輸勞擾斯甚且令
停罷更俟後期國門之南固丘素備宜煇登封之禮聿修祭禋之誠
朕以十一月二十一日有事于南郊凡爾臣僚當體朕意

先有發掘前代石檢墮壞古之壇墀修完詔

雍熙二年十一月

瞻彼泰嶽真乎魯邠中告成歷代之儀斯在泥金檢玉前聖之迹猶存所宜肅恭常加營護先有發掘前代石檢隨壞古之壇墠並全修完如故州縣常謹視之

荅知兗州邵煜請東封詔

大中祥符元年三月

喬岱群嶽之宗登封盛德之事非道格穹壤運屬隆平在於告成豈可輕議而東土黎老闕里諸生咸傾望幸之心請舉升中之禮汝典司郡政允迪輿情爰奉奏章罄述忠懇以為五兵載戢多稼屢登嘉瑞荐臻祥符昭錫合遵舊典告謝上穹願惟眇躬祇荷丕構庶勞庶政勤恤下民懼理道之或愆方夙夜而祇畏矧敢追蹤列聖紀號崇山深諫乃誠未違斯舉所請且不允

荅宰相等乞封禪第一表

大中祥符元年三月五日

歷觀列辟遐覩哲王農軒已來唐漢而上非鴻勳格於穹昊厚福浸

於黎元憲度等明休應昭晰則何以肅祇嚴祀益厚以增高音厥成
功封巒而禪社顧以眇質嗣茲慶基荷三靈之眷懷紹二聖之休烈
夕惕若厲旰食靡違幸寓縣之小康且干戈之戢戢四時大順五穀
荐登斯蓋祖宗之顧懷神靈之協贊方思日慎以答天休而公卿大
夫岳牧庶尹將校緇黃之衆蒼莖耆艾之倫僉以時洽治平物無疵
癘寶符肇降鴻貺禮昭適當偃革之期願舉升中之禮備稽典故共
拜封章雖簡冊以具存豈涼薄之能享披觀之際循省增慙徒諒衆
誠固難輕議

荅軍臣等請封禪第二表詔

大中祥符元
年三月癸未

古之王者膺期御祿必舉登封之禮式昭元命之符所以讓德於皇
穹推功於厚載非有鴻烈時能當之朕以冲眇之軀託於億兆之上
致承丕訓寅紹寶圖念守位之惟艱懼涉道之猶淺憂勤聽斷一紀

于茲至於尉候無虞倉箱流衍政清訟息俗阜人和上則荷霄昊眷佑之仁下則賴文武叶宣之力汜臻大定敢曰予功眷言封岱之儀實為盛德之事在於往聖猶罕遽行何中外之勤誠奉表章而繼至冀追蹤於三五將紀號於云亭覽之惕然彌用增愧難從眾慙已諭至懷載念傾虔倘深嘉尚所請宜不允

荅宰相等請登封第三表

大中祥符元年三月甲申

夫封禪歲事所以對越高明刻石紀功所以儀炳令昔自開元之後垂三百年豈無今王尚闕斯禮誠以典章久廢非可遽行德澤未孚不欲輕議肆朕寡昧獲膺運祚承累洽之慶介純嘏之休方隅甫寧黎獻從乂萬樞粗治九縣汜康而雁鴻之恩未浹於品庶中和之頌未暢於風聲金土之價未均徽纒之刑未措踵武前哲良用慙焉矧敢舉帝王之上儀涉天孫之裔嶽備物輯瑞考四巡之舊規建號勒

功為百王之稱首茲事體大寧所克堪當志予懷即斷來表

荅宰相等請登封第四表

大 中 祥 符 元 年 三 月 丙 戌 詔

夫升中告成帝王之盛禮時巡展義三五之令猷自非膏澤浹於羣黎至德敷於九有休烈浹洽福應昭明然後俯叶輿情疇茲故實就此發土之序肅祇崇報之儀願予冲人獲繡鴻業每凌兢於馭朽敢逸豫以圖安居常內思懼弗克荷矧以政治猶懋德教未孚詎可繼踵於前王奉荷於岱岳諒非飾讓難徇衆懷所請宜不允

荅宰相等請封禪

五表詔

大 中 祥 符 元 年 四 月 甲 申

朕博考簡編遊觀往昔若乃誕膺帝錄撫有中區華夏底寧珍符皆至曷嘗不陟降東岱對越上穹益厚增高讓德而崇化昭姓方瑞建號以飛聲由無懷已未略可槩舉逮開元之後因而曠廢我國家誕膺駿命肇啓玉圖太祖以神武濟三才太宗以至仁綏六合豐功美

利累洽重熙蓋五十年于茲矣肆朕涼薄獲承表構懼德弗類因特
而惕勵精以求治虛己以納善某節以展義潔渠以事神仰畏高明
不違中英賴宗祫之儲祉荷靈祇之顧懷鑿茲小心介以景福五兵
載戢百穀屢豐寓縣諸清王猷允禔而又真官預告祕檢下臨示卜
世之休期表日天之眷命恭承景祐靡敢違寧期以大亨明堂聿備
郊禮備仲昭事以達至誠不謂魯國諸生東山黎老來自千里同竭
一心連袂存臻扣閭有請登陳僕望之慈願舉升中之儀而宰衡官
師岳牧庶尹緇黃將校酋長者年不謀而同奉疏來上叙天人之交
感述方冊之前聞以為登岱勒封古之盛典奉符行事今也其時五
表繼陳衆願彌確荐加敷諭難奪傾輸若以荷無疆之休當感德之
事發揮茂實丕顯成功益用愧懷非所宜請止於報謝天地備物而
告虔升配祖宗尊親而致孝式揚先烈以耀大猷是為素心何敢崇

讓朕以今年十月內式遵典禮有事於太山咨爾百執之臣掌禮之士各揚乃職勿曠攸司朕之是行昭答神飢匪求仙而邀福在報本以潔誠至乃珪幣所須牲餼給並資豐備以格神明其有司供帳之規乘輿服御之物悉從節減勿致煩勞式盡嚴恭務遵簡儉凡百費用並支官物一路止增修館舍就建行宮經由州縣所用什物亦以官物辦不得差擾輟借及有科率諸司須索非勅命州縣不得供給所在馳道勿差丁夫廣有修葺其香臺畫甍等類闕于亦不須設諸路長吏無得擅離本任來赴行在仍勿以修貢助祭為名輒有率女起居章表附驛以聞

宋朝大詔今集卷第一百十六

宋朝大詔令集卷第一百十七

典禮二

封禪下

禁泰山樵採詔

大中祥符元年四月丙中

朕將陟介邱祇答鴻臚方遵先旨諭至懷而嶽鎮之宗神靈攸處尤宜安靜以表寅恭慮草木之有傷在斧斤之不入庶致吾蠲之愆式符茂育之仁應公私不得於泰山樵採違者具以名聞重行科斷

封禪戒約京東州軍刑獄務從寬恕詔

大中祥符元年四月辛丑

朕登岱勒封為民祈福庶獄訟之勿擾在刑典以惟寬用副哀矜資於明惟應京東州軍刑獄務從寬恕無得非法決罰

封禪離宮日至封禪不舉樂詔

大中祥符元年五月癸未

朕勉從人望將陟靈封常惕厲於精誠庶虔恭於大禮當齋結佩猶

防鳴玉之音祇事戒，豈尚成文之奏務從嚴肅無或喧煩自離京
日至封禪以前並不舉樂經歷州縣無得令樂人迎候

封禪禁屠軍詔

大中祥符元年八月乙巳

朕爰以良月有事介邱答穹昊之眷懷為蒼黔而祈福屬在告虔之
際宜施育物之恩冀洽好生式崇昭報應天下並禁屠宰一月以十
月一日為始

於崇政殿習東封儀詔

大中祥符元年九月癸未

朕祇荷美祥聿修封祀爰從歷代久曠上儀將表嚴恭宜先肄習冀
精祥於陟降固罔憚於躬親朕取今月二十八日於崇政殿習東封
儀

命考制度使詔

大中祥符元年十月庚寅

王者舉時巡之規會方岳之下布憲昭度率遵於禮制陳詩納費用

觀於民風至於察郡吏之政能大明黜陟稽為邦之品式申禁竒表
詢利病於閭閻訪隱淪於屠釣勤恤人隱周給天窮斯皆展義之信
章前經之玉訓也朕以寡德祇建大封三神交歡百祥摠集是用疇
咨故實參酌鼎彝克遵設教之文庶叶僕予之慶宜以御史中丞王
嗣宗攝御史大夫為考制度使右正言知制誥周超攝中丞為副所
經州縣採訪官吏能否民間利病市物之價舉察儀制車服權衡度
量不知法則者有竒才異行隱淪不仕者與所屬長史詢求論薦鯨
寡悻獨不能自存者量加賑恤官吏政迹尤甚民受其惠及不守廉
隅昧於政理者孝子順孫義夫節婦為鄉里所稱者並條析以聞

登封奉山赦天下制

大中祥符元年十月

門下式觀邃古眇覩前王功成治定之餘時和歲豐之際三靈享祐
萬萬宅心則有登封降禪之文建顯垂鴻之禮無懷而下間封祀於

崇繼開元以來曠講求於徽典時史五代運應千年當聖祖之開基
肇平郊望暨神宗之繼統益固邦基升喬嶽以未遑謂沖人之克構
肆予等奉紹每務精勤期經畫於永固庶奉成於先志願惟睿德素昧
王猷遵奕世之貽謀承慶靈之及遠屬以五兵銷偃四海澄清良民
洽歸厚之風嘉敷茂重華之歲荷鴻符之昭錫示天庥以無疆允叶
昌期寔繁靈著威蕤絕瑞覺悟輿情是用承列聖之垂休徇衆臣之
勤請聿崇大報躬造神區文物聲名具陳於法駕且遵珪幣悉奉於
彝章紫壇申嚴配之儀玉檢視封崇之制諒三神之降鑒伊百福之
潛臻輯瑞班朝率從肆覲省方問俗用慰耒蘇遵王度以無愆展國
容而有耀既被紛綸之景貺宜覃渙汗之洪恩冀與羣生共膺純嘏
可大赦天下云云於戲升中展采曠古之盛儀尊祖配天哲王之鴻
範既周旋而集事諒中外以咸歡載省眇躬獲成大禮猥當殊慶愈

勵深表思廣聽於嘉謀貴同裨於闕政更賴朝廷勲舊藩輔親賢遠
諸文武之臣共立忠勤之効式扶昌運永保丕休

玉牒文

大中祥符元年十月辛亥

有宋嗣天子臣某敢昭告于昊天上帝運啟大同惟宋受命太祖開
階功成治定太宗膺圖重熙累盛粵惟冲人丕承列聖寅恭奉天憂
勤聽政一紀于茲四隩來暨丕貺殊尤元符章示儲慶發祥清淨可
致時和年豐羣生咸遂仰荷顧懷敢忘繼志僉議大封聿甲昭事躬
陟喬嶽對越上天率禮祇肅備物吉蠲以仁守位以孝奉先祈福逮
下佑神昭德惠綏黎元懋建皇極天祿無疆靈休允迪萬葉其昌永
保純錫

改奉高宮曰會真宮詔

大中祥符元年十月辛亥

朕以祇膺祕錄茂建元封答三神之眷懷揚二聖之徽烈顧奉高之

遺趾著輿地之舊聞俯按頌祇之庭允謂受釐之館惟玉虛之上聖
頒金闕之衆真垂睿眇冲屢臻瑞應上儀克舉大慶已成將申嚴奉
之心用報庀鴻之社宜改上太上奉高宮曰會真宮增葺室宇務從
嚴潔無事雕飾自京選名德道士任持焚修仍給供具物

改登封省方道遙輦詔

大中祥符二年五月乙卯

輿輦之設典式具存屬萬仞上封千里東狩遂從宜而立制嘗因用
以得名宜以天平輦為登封輦辟塵道遙輦為省方道遙輦

祀汾陰

荅群臣請親祠汾陰表詔

大中祥符三年五月辛丑

至哉坤元資生於品物瞻彼汾曲崇建於靈祠稽唐漢之舊章載練
緗而可覩並行親祭因祝庀禧朕寡昧承祧虔恭守位念大事之在
祀仗至誠而感神仰膺覆載之休豈志明察之訓益以曠絕斯久振

舉尤難非有盛德之升聞曷致上靈之來享此者再得守臣之奏備
達輿人之情存錫詔書拒其誠請亦內省之甚熟固輕議之未遲卿
等不謀而同奉章來上褒揚斯至稽述有倫雖家慤之甚勤在予衷
而增惕徒深歎尚莫克遵從所請宜不允

有事汾陰后土詔 大中祥符三年八月丁未

王者膺錄受圖保邦纂極必竭誠於明察期隲福於蒼黔朕以寡昧
之資紹危鴻之業丕承先訓奄有中區欽事上靈協和庶績常勵守
成之戒聿下武之期向者寶命自天真符錫祚荷鑒觀之垂祐登
溥率以蒙休福應沓臻人祇訢合揚祖宗之盛烈體蒼昊之眷懷稽
增封廣禪之文追昭姓考瑞之事勅成展采繼志垂鴻文歡三神均
恩萬寓顧以台德建茲上儀匪敢違寧益思惕勵不謂蒲阪遺釐冀
部守臣稽合輿情述宣舊典且以汾河之曲素嚴后土之祠遠貢封

緘繼陳劬請載惟擴絕難議允俞復又拱著之倫扣閣來至以為運
格熙盛俗洽早康野多有餘之謠邊靡蕩胤根之後奉祠雖壞昭報坤
元非得而辭所宜利往奏疏三上群情益堅恭念席廟社之慶靈被
穹壤之沉施陟封喬岫已展於告虔祈殺柔祗理當於親祭爰舉威
巡之典式申母事之誠冀集祺祥永孚黎獻朕取來年春有事于汾
陰后土咨爾掌禮之士暨於有位之臣當謹攸司各揚乃職禮神珪
幣致享犧牲並務者蠲庶申欽奉其乘輿服御供帳群司勿致勞煩
悉從節減應有費用皆以官物置辦不得差擾輒借科率諸司須索
非勅命州縣不得供給所役道路無役丁夫廣有修葺仍不用香燭
青纒欄干等物諸路長史無得擅離本任赴行在仍不得以脩資助
祭為名輒有率敵兩京諸州起居表附驛以聞

以祠后土諭宰臣等詔

大中祥符三年八月丁未

朕前歲以靈真告期祕文垂貺乃升岱岳以展明誠冀受百祥阜康九域而汾陰后土盛典闕焉雖奉祀址郊降禪社首瞻言惟壤久屬朕懷况元鼎親祠開元歲事貯聖所咨方冊具存若尊卑之禮或偏則明察之報漸廢前史所謂郊天而不祀地失對偶之義也朕恐茲禮未周貽譏後代昨東魯升中除奉神之外庶事省約途中次舍務在簡儉往復十里絕無擾民今蒲津父老屢扣闕庭斯亦人事所啓深符宿意當議潔蠲用答景貺

誠約行事官職掌人詔

大中祥符四年正月辛巳

朕親臨汾曲對越后祇冀蒼黔之蒙福春乃侍祠之列洎于執事之倫務整恪恭副予精意應汾陰行事官職掌人敢懈慢者委監察御史糾舉遇赦不原

改奉祇宮曰大寧宮設后土聖母像道士焚脩詔

大中祥符四年二月

酉年

朕緒承大統撫御庶邦荷祖宗之詔謀膺穹厚之丕錫勒對岱嶽已
報於天休謁款魏雕式脩於地察眷惟齋館俯邇嘉壇寧清宴之攸
寧固蕃釐之舉集宜慎方中之候特施必葺之功闢乃殊庭鎮茲道
址率取清都之制詳延羽服之流庶假精脩以申嚴奉宜改上奉祇
宮曰太寧宮設后土聖母塑像選道士焚脩本廟崇奉一如舊制

祀汾陰赦天下制

門下為人倫之紀律禮曰天經著王者之誠明祀惟大事允致恭於
燾載永介福於黎元已建園封是崇方澤考坤元之設象配乾健以
同符厚德無疆柔祗定位矧高雉之靈境有前古之嚴祠誕集祺祥
荐從禋瘞登隆祭典焜耀國容應五運以下哀曠六飛之戾止顧予
菲德獲纂屢基欽燕翼之貽謀荷豐融之敷祐既無文而或秩因墜

典以交修多愧眇沖獲遵盛美率由勤請勉徇輿情慰蒲津佇望之
民奉郊上親祀之事百神幽贊九服駸奔黃瑞畢升靈休允答遂涓
良日式展鴻儀務極洗心以申精意薦豆遷而惟絜真琮幣以斯嚴
禮樂相資人祇胥悅集顧懷之殊貺契茂育之元功是用周覽時風
肆覲西后輯瑞圭而成列羅琛青以充庭和氣沖融頌聲洋溢肇迎
嘉慶適鍾神賜之祥均被華夷宜廣雲行之施可大赦天下云云於
戲厖鴻之澤既浹於八區眷佑之靈普臻於兆庶更賴宗親勤舊文
武忠良罄同德之端誠贊卜年之景祚庶期寰宇永洽純熙

后土廟上疏曰太寧禁民庶祈養止拜庭中詔

大中祥符四年四月己未

恭惟厚德夙極至靈降宅惟印載嚴廟號爰展親祠之禮允膺至況
之祥宜薦嘉名以彰景祐避尊稱而斯在達昭事以惟宜惟上后土
廟宜上額為太寧宮本殿周設欄楯民庶祈養止拜于庭中官吏非

祠祭亦勿升殿

宋朝大詔令集卷第一百十七

宋朝大詔全集卷第一百十八

典禮三

南郊一

建隆四年有事南郊詔八月

王者誕膺駿命光啓鴻圖罔不升中於泰壇昭事於上帝著諸令典是謂彝章朕自撫中區行周四載稼穡繼聞於豐稔邦家屢集於休禎豈涼德之升聞感茲多祐蓋上穹之降鑿錫我小康得不祇率前文躬行大禮式展奉先之志虔申報本之誠用答天休且符人欲朕以今年十一月十六日有事南郊宜令所司各揚其職務從省約無令勞煩諸道州府不得以進奉為名輒有率斂庶遵儉德以奉嚴禋中外臣僚當體朕意

乾德六年有事南郊詔八月甲寅

朕以眇末之身居億兆之上永言臨御敢忘寅恭向以蜀土不甯自
開釁隙洎興師而問罪俄與觀以來降旣成不陣之功實荷自天之
祐加以歲年豐稔黎庶咸安三邊無擊柝之虞五緯有連珠之異覩
鴻休之若此願涼德以何勝宜伸報謝之誠適展告成之禮朕以今
年十一月二十四日有事南郊凡百有司各揚其職務遵典故無致
煩勞諸道不得以進奉為名輒有率敝布告中外知朕意焉

開寶四年有事南郊詔七月甲午

朕父事圓穹君臨萬國聲教既通於南夏田疇屢慶於西成黎民乂
安邊鄙不聳斯蓋上天垂祐清廟降靈豈予冲人致此多福敢不虔
遵龜筮親潔豆蓬式展嚴禋載申昭報朕以今年十一月二十七日
有事於南郊凡百有司各揚其職諸道州府不得以進奉為名輒有
率敝凡在中外當體予懷

開寶九年有事南郊詔

定鼎洛邑我之西都燔柴泰壇國之大事況削平江表底定南方惟率土之混同自上天之降祐內慙涼德感是洪休得不罄以恭虔申其告謝賧洛京而西顧兆陽位於南郊且優陳有楚之儀泰稷奉惟馨之薦朕今暫幸西京以四月內選日有事于園丘宜令所司各揚其職禮容儀衛典故在焉祇事肅誠無得煩擾諸道州府不得以進奉為名輒有事致凡在中外當體予懷

太平興國三年有事南郊詔八月癸丑

王者昭事天地嚴配祖宗被袞冕以升泰壇薦牲牢而饗上帝國之大事禮有舊章朕以眇躬嗣守洪業載懼寒暑混一車書五稼屬登四郊不穽益昊穹之儲祉豈涼薄之能然宜親潔且邊恭陳柴燎祇見九廟昭謝上元朕以今年十一月冬至有事于南郊凡百有司各

揚其職務遵典故無致煩勞諸道不得以助祭為名輒有哀致中外
臣庶當體朕懷

太平興國六年有事南郊詔

九月乙卯

朕祇膺眷命克荷大休頃以參墟不朝戎輅薄伐賴穹昊之助順纒
刻漏以時平汾晉之邦千里而廣與賦聿歸於大府之疆咸復於地
圖今夏雨澤愆期蟲蝗為患朕躬徹常膳心祈上元並命使車並走
群望桑林之禱靡憚朽索之懼實深至誠感通冥貺昭答膏澤頻降
甫田載滋飛蝗盡殪交火不東昏蒼昊之垂鑿祖宗之儲祥俾予沖
人享是多福不伸大報之典曷展益恭之誠朕以今年十一月冬至
親享太廟有事於南郊九爾執事之臣率循經制無至煩勞

改用正月十日有事南郊詔

至道九年十
月丁亥

昨頒詔旨將春園丘取來歲之仲春伸大報於上帝載稽方策旁求

故寅二月初吉蓋是中和之辰獻歲上辛合伸祈報之典當從改作庶叶通規今以來年正月十日有事于南郊詔凡有司各揚厥職布告中外咸使聞知

咸平二年有事南郊詔

七月壬辰

夫總統承祧必崇禋類國之大事寧有彝章朕每宅萬邦修焉三載每念纂承之重敢忘寅畏之心而稼穡屢登干戈載戢四方率俾庶政惟和此蓋上穹降靈列聖垂祐思陳大報以啓鴻休特用剛辰告示群品朕以今年十一月七日有事於南郊申命有司各揚其職諸路州府不得以進奉為名輒有率斂務遵儉約稱朕意焉

咸平五年有事南郊詔

七月甲午

朕承天子民正位居體庶邦用乂六載于茲寔賴乾坤降祥宗祏垂裕顧朕眷德曷臻是哉夙夜以思罔敢暇逸國之大事禮有稽章庶

伸謝況之誠恭展就陽之祀以今年十一月十一日有事于南郊凡百有司各揚其職諸路州府不得以進奉為名輒有率斂務從簡儉稱朕意焉

景德二年有事南郊詔七月丁巳

王者合祭天地祇見祖宗所以聲遠達之心中肆類之報今者干戈偃我徽塞底寧縣宇惟康大田豐稔荷茲並貺惕然在懷肅事禮燭其合經訓朕以今年十一月十三日有事於南郊咨爾有司各揚其職務遵法度無至煩勞向來每因郊祀於京畿近州配率供億念茲氓庶良所優矜宜令三司未得循例施行別候進止諸道州府不得以進奉為名輒有科斂庶從簡靜以享天休中外臣民當體予意

來年正月一日上玉皇聖號有事南郊恭謝之禮詔符九年

五月
甲辰

朕以菲德獲紹慶基法前王昭事之心荷元昊惟新之命祕囿中錫
靈稷鴻均封祀紹脩誠明合答邁僊宗之降格示賢系之繇長錫祚
著滋翰祥紛沓爰於前歲特發精衷式瞻霄極之尊庭上帝具之瓊
仍朝奉冊別擇吉年屬明律之再更果揆辰而有得今以來歲元月
適叶上辛願同億兆之誠共薦穹崇之柄信辭真迹匪懈於躬親金
簡玉文庶垂於永久舉冠絕未行之事報高明洪覆之恩謹以來年
正月一日詣玉清昭應宮與天下臣庶恭上玉皇大帝聖號寶冊
重念獲契隆平存臻豐楙慶歡樂之普洽膺眷祐以殊深爰稽禮祀
之儀仰答顧懷之眎又謹以正月十一日有事于南郊行恭謝之禮
諸軍賞賜並以內藏物充三司勿催促諸路錢帛諸州軍監無得以
脩貢助祭為名輒有率歛務從簡約無至煩勞凡百有司各供其職

天禧三年有事南郊制七月戊辰

朕以菲德襲茲鴻圖緬想艱難未嘗暇豫席二后之成命集百珍之
降祥封岱展儀含生被澤承平斯久因恢綽以彌文祭祀惟勤盡精
嚴於大報屬以歲時登稔海域清寧見高厚之顧懷慶蒼然之富庶
周脩禮類式展孝恭以今年十一月十九日有事于南郊咨爾爾臣
洎于列位各揚其職以稱朕心諸路州府不得以進奉為名輒有科
率庶符簡易式召和平

天聖二年有事南郊御札七月戊子

朕猥以眇躬獲嗣丕構粵在諫閣餘踰再恭從念守文之難未躬事
天之祭兢兢業業不敢遲怠所賴皇穹降康宗廟垂祐四時協粵百
穀順成荷此休嘉彌用惕畏爰卜履長之旦虔中報本之誠式示先
期俾從誕告朕以今年十一月十三日有事南郊咨爾百司各揚其
職務遵典故無或勞煩諸道州府不得以進奉為名輒行科率

天聖五年有事南郊御札

王者紹膺寶命祇若靈心必盡物以嚴親乃先祭而類帝顧愍涼德
欽述前彝乃因郊而就陽式反始而報本爰申誕告用誠先期朕以
今年十一月十七日有事南郊咨爾百司各揚其職諸道不得以進
貢為名輒行科率致有煩勞

天聖八年有事南郊御札

昭事天地嚴配祖考國之大事時不可曠況兵革偃戢車書混同七
政以齊羣物並楙皆上穹之貺施而三后之福祉報本復始於是乎
在朕以今年十一月十九日有事于南郊咨乃攸司各揚所職諸道
不得以進奉為名輒行科率

景祐二年有事南郊御札

王者舉告類之儀所以謝成於天地重嚴配之典所以昭孝於祖宗

考諸舊章實曰大事朕祇膺靈命奄宅中區賴上天降康乂廟儲社
特序休若方隅底定美應荐臻生物咸遂內惟涼薄惕荷願懷卜茲
景至之辰躬修郊報之禮將以升侑三聖秩祀百神庶熙事之克成
與羣元而同事爰申誕告用示先期以今年十一月十五日有事南
郊諸道州府不得以進奉為名輒行科率致有煩勞

寶元元年有事南郊御札

朕猥以涼菲獲承基緒祇率丕訓茂昭前人兢兢業業固或寧暇賴
上穹鑿祐列聖保綏方隅晏然氣物恃若民微艱食之阻邦輯阜財
之經嗣洽太和莫非靈貺雖復犧幣有楚染芼載蠲中飭祠宮謹修
歲事然齋輅停軫欽祭輟薰弗躬于行恍以成閏祭疎則怠心焉增
惕矧紫營在望奚敢憚勤黃流並裸庶幾能享爰諏景至之日恭迓
帝臨之休慎舉鴻儀式先誕告朕以今年十一月十八日有事南郊

咨爾攸司各揚乃職應諸道州府不得以進奉為名別行科率裕神約禮稱朕

康定三年有事南郊御札

人事天致誠饗親繼孝緬惟前代容典具存迨于我朝彩章彌綉七廟時其禘食三歲即以下郊躬接神靈奉將牲幣為民昭報朕弗敢忘今憲度交修禮樂明備日月所燭咸佇旅庭之來陰陽以和無失豐盛之存匪嚴大事曷咨丕祥朕以今年十一月二十一日有事南郊咨爾攸司各揚乃職務從簡儉勿伴煩勞應諸道州府不得以進奉為名別行科率

慶祿四年有事南郊御札

勅內外文武百僚等朕荷祖宗之謀託黎元之上日慎夕惕罔或怠違故嘗六款圖立祇見上帝今賴天之福浹宇以和雖右輔留屯南

方薄糈已加撫輯期底靖安匪云交脩思有昭報聖則能饗誠慙於寡德祭不欲數既及於三年通奉先規講求多物愾闕列聖之袷哀對明靈之臻况祈祉一民弗為專美在國大事其敢憚行朕以今年十一月二十五日有事于南郊咨通攸司各揚乃職凡干供億毋俾煩勞應諸道州府等不得以進奉為名別行科率比者多緣嚴配工徽名止循率顯之常徒為存誠之累且應神以甯何用虛文與禮之奢不如寧儉其文武百官僧道父老等不得因郊祀上表請加尊號永言有衆宜喻先庾共推至虔以副朕意故茲札示想宜知悉

慶曆七年有事南郊御札

夫對越穹昊昭配祖宗蓋列聖之通規為有邦之大事朕惟寡德獲繡珍圖統萬機迨逾二紀品物蕃阜陰陽統和靡躬修於至儀曷申答於靈肌方且致禱太室奠玉圓丘昭靈監之溥臨均懷生之盛

福在干沖質其敢憚勤朕以今年十一月二十八日有事于南郊咨爾攸司各揚迺職凡所供億毋俾煩勞應諸道州府不得以進奉為名別行科率

皇祐五年南郊御札七月壬寅

勅內外臣僚等夫四時常祀我在有司三歲親祠敢稽舊典迪惟列聖光施沖人獲執牲瑄以事郊廟永惟欽栗弗敢怠違間亦耕藉而共築感宗祀以虔珪幣合祛天地並侑祖宗庶幾告誠宜曰能饗惟時上帝賜朕有年嘉生順蕃黔細滋殖豈瑣涼之致此抑右序之俾然矧今區夏謐如風雨時若鍾石俯就壇場在望四海助祭蟄蒼壁之舉百神受職係皇郊之設思欲裸粢酒於世室進純犧於泰畤罔以範俗延祉庇民敢憚躬親而廢大報朕以今年十一月四日有事于南郊咨乃攸司相予肆祀各揚爾職勿懈于位諸道州府不得以

進奉為名報行科率務循靖壹勿使煩勞咨爾庶邦當體朕意

治平二年有事南郊詔

七月壬戌

天地者生之本先祖者類之始禮有報本反始而事天地尊先祖于
是乎致虔恭焉國朝之制郊以三歲朕以冲眇之資荷顧託之重巍
乎王公士民之上懷乎宗廟社稷之寄日慎一日唯恐勿任而三靈
眷懷億姓禔福天清日潤雷動風行嘉生訖臻氣蕩定固可以薦四
時之和氣總萬國之歡心以報本乎天地而反始乎先祖也朕以今
年十一月十六日有事于南郊咨爾攸司務勤厥職諸道州府不得
以進奉為名報行科率必循其故毋或煩民

熙寧元年有事南郊御札

七月甲戌

有天下者莫重靈神之報為人子者莫嚴宗廟之承率躬三歲之祠
常候一陽之應緬慕先聖光施冲人載循種類之期適在亮陰之際

大懼不能備飭儀物奉將渠盛於是刺六經之文傳博士之議皆以謂喪有以權而順變祭無以卑而廢專矧稽參西漢之彝緣用景德之制勅予涼菲賴帝眎臨遂卜天正之辰往修郊見之禮方且進祈茂祉以大芘黎元昭格至精以終圖熙事庶幾能饗其敢憚勤朕以今年十一月十八日有事于南郊咨爾攸司各揚厥職諸道州府不得以進奉為名輒行科率其百司除事神之物並宜一切仍循外餘應干供奉所須務令淳約以稱朕不忘孝思之義故茲札示想宜知悉

宋朝大詔令集卷第一百十九

典禮四

南郊二

熙寧七年有事南郊御札七月戊戌

王者饗帝園丘以虔報本之義遵祖清廟以將反始之誠人道至隆國章茲重維五聖之故事有三歲之親祠朕以不德獲承先憲以時稱秩其敢怠荒且卜天正往脩郊類庶繇精意之享以祈烝民之生且詔先期用享群聽朕以今年十一月己未有事于南郊咨爾有司各揚厥職相予祀事周或不恭

熙寧十年有事南郊御札七月辛亥

燔柴而祭泰壇執幣以事上帝陟配烈祖靈承天明永惟五聖之謀率用三年之禮願朕菲德續時玉園亟蒙宗廟之休哀對神祇之佑

屢巡典汜登至平是用卜天之正考日之至致精而嚴大報嚮福而茫黎元戒以前期告于有眾朕以今年十一日甲戌有事于南郊咨爾攸司各揚乃職協成祀事稱朕意焉

元豐六年有事南郊御札七月丁未

王者揚烟泰壇以致承天之義禮也清廟以嚴達孝之誠永惟五聖之謨必躬三歲之祀肆惟菲德獲紹玉圖賴帝博臨豐年屢應羣生和而草木茂三光全而寒暑平宜卜天正恭修郊禘比對烏周之祐以展放唐之文特戒先期用享大號朕以今年十一月丙午有事于南郊咨爾有司各揚厥職相予祀事罔或不恭

元祐七年有事南郊御札七月戊子

萬物皆本於天顧何以報五禮莫重於祭所貴者誠惟本朝郊禘之文有列聖典章之舊朕勤遵太母之訓祇守丕基之成八年於茲萬

寓以治深惟菲德之及此實由上帝之祐民宜修親享之恭以盡欽承之義奠玉以致純潔升烟以達高明嘉與臣士共圖熙事朕以今年十一月十四日有事于南郊咨爾有司各揚厥職相予禋祀罔或不恭故茲札示想宜知悉

元符元年有事南郊詔

七月己酉

朕纘承聖緒紹述先猷以微眇之身託士民之上惟德弗類荷帝降衷錫之元符中以景命天休滋至殆弗克堪黎民特雍西戎即叙協氣來應豐年屢臻永惟方夏之底寧寔自穹昊之眷佑若稽大報之義益誦宗祈之文煬高煙於柴壇薦豐饗於清廟庶幾祖考之格其獲明靈之歆嘉與臣工共圖釐事重孚有衆申戒前期朕以今年十一月二十日有事南郊咨爾有司各揚乃職

建中靖國元年有事南郊御札六月甲子

勅內外文武臣僚等祭莫重於天聖人極郊丘之報德無加於孝王者嚴宗廟之儀朕以眇躬獲嗣丕構茫然銜恤逮茲踰年欽惟三歲之郊每候一陽之應稽諸典禮不以卑而廢尊越予沖人亦惟事而師古矧德弗類賴帝降康諸夏又安遠人款附四時不忒百穀用成若稽先王之猷祇適列聖之訓順迎穀旦躬饗園壇以致靈承之心以祈右序之貺用孚大號誕告前期朕以今年十一月二十三日有事于南郊咨爾攸司各揚厥職相予禮祀罔或不恭故茲札示想宜知悉

政和三年冬至日祀天圓壇御札 十月五日

朕惟乃聖乃神克禋克祀舉三歲之大典不數不疏得四海之歡心以安以侑肆予菲德遵國信章升煙紫壇伸昭事上帝之義裸粢清廟嚴祈我烈祖之誠宜卜景長往修郊類俾輯熙于純嘏用敷錫於

庶民誕告前期式學羣聽朕以今年冬至日記天子圓壇咨爾攸司
各揚乃職相予祀事罔或不恭故知札示想宜知悉

宣和元年冬至日記天圓壇來年夏至日祭地于方澤御札
內外文武臣僚等朕席累聖之宏基撫重熙之昌運乾健坤順風昭
眷佑之休時和歲豐茲極救暈之效布政叶陰陽之序率民同道德
之歸遐方慕化而來庭通冠畏威而款塞宵宸降嘏每從御使之游
日觀迎燈荐閱升中之請若特報本無越親祠其來二至之祥載秩
一純之薦被紫琖而事上帝肅方澤以對桑林假于太宮前謹禱將
之奉佑我烈祖並嚴陟配之常用仰達于精誠庶函蒙於丕沆誕敷
大號明戒先期以今年冬至日記天子圓壇來年夏至日祭地于方
澤咨爾攸司各揚乃職相予肆祀罔或不恭故知札示想宜知悉

建隆四年南郊改乾德元年赦天下制十一月

門下朕目三靈聽命五讓興邦躬親罔憚於萬幾德教將加於四海
歲時屢稔華夏大同干戈漸偃於靈臺文軌皆通於象闕俗阜而南
薰風競刑清而貫索星稀仰觀則日月麗天俯視則龜龍在沼加以
物無疵癘民樂雍熙蓋元穹垂祐於皇家非涼德日隆於昌運繇是
考百王之舊制遵千古之憲章隆典必修無文咸秩潔儀禱而謁清
廟披大裘以郊上元萬來雲屯而在途千官星拱而就列公侯助祭
共江漢以朝宗鐘鼓在懸與風雷而相薄百靈受職羣后受釐明德
既馨神心有若非烟塞望以呈瑞嘉氣浮空而襲人民具爾瞻禮無
違者乃迴金輅乃御應門律具協於黃鍾日正臨於甲子順三元而
更始慶萬彙之咸亨而又蒞岳勲臣宰衡庶尹外達蠻貊內暨縉黃
謂予祿數在躬以應天廣運順其美謂予溫恭允塞以聖文神武成
其功兼至德之鴻名畫哲王之能事物議斯允于表莫違宜車曠滿

之恩用慈黎元之望可大赦天下改建隆四年為乾德元年云云於
戲崇德報功取天地無私之象青爨肆赦推雷雨作解之恩更賴中
外大臣佐佑厥辟必使萬邦黎獻盡躋仁壽之鄉百姓昭明致我勛
華之上布告億兆咸使聞知

乾德六年南郊改開寶元年赦天下制十一月

門下我國家受天景福率土咸賓聲明洞照於萬方德教咸加於四
海風雨順而年歲稔于戈戢而刑政清域中共慶於小康海外咸欽
於至化朕顧惟寡昧祇奉元穹荷上帝之垂休致中原之大定遂發
誠意再舉舊章恭陳告謝之儀仰答自天之祐羽衛森羅而在野王
公肆類而在庭六樂無不調五禮無不備躬真玉爵陟配紫壇具物
薦誠神心昭格非煙塞望以呈瑞嘉氣浮空而降祥宜與寰區同茲
胥路家緯既遷於綵仗鶴竿大舉於鴻恩當玉曆之惟新與蒼生而

共慶盡日月照臨之內周間幽遐極車馬混同之邦咸均雨露庶成
端拱永洽可封可大赦天下改乾德六年為開寶元年自今年十一
月二十四日昧爽已前天下犯罪人云云於戲皇王報本之義乾坤
助順之祥既舉彞章諒無闕政更賴中外宣力將相同心保黎庶之
乂安致違隅之寧靜扶持景運翊亮皇猷長懷魚水之勤共樂太平
之化布吉億兆咸使聞知

開寶四年南郊赦天下制十一月

門下我國家膺上天之景命洽四海之歡心車書大同聲教遐被爰
自塵清五嶺浪靜南溟開萬里之封疆致兆民之蘓息山川尅復日
月光華風雨順時歲年大稔朕君臨天下道准人寰致率土之同清
自元穹之垂貺於是恭循典禮親執豆籩當愛日之迎長罄虔誠而
告謝羣后執珪而肆覲神郊備物以陳儀柴燎既升乾光下燭瑞氣

浮空而不散生民鼓舞以同歡宜覃作解之恩用洽自天之慶可大
赦天下云云天地垂休所以祈開泰皇王報本所以告成平盛禮行
而人神協和慶澤流而寰海胥悅文武列位將相具僚同心同德以
逢時盡節盡忠而宣力宜勤翊亮共致太平

開寶九年西京南郊赦天下制

四月

門下我國家受命開基化民育物荷乾坤之垂佑致文軌之大同內
則朝政雍熙外則武功震耀洎西川剋復五蜀蕩平被聲教于寰瀛
納生靈于富壽唯有江表未息埃塵暫勞動於六師尋廓清於一境
數千里風霾既殄百萬家生聚知歸隸其久困之民希以惟新之化
非沖人之克乂皆上帝之儲休令者卜首夏之良辰就西都之正位
備其燔燎潔以豆籩躬申告謝之誠用達恭虔之志奠玉之盛儀既
畢普天之慶澤方行宜覃煥蕩之恩用表混同之化可大赦天下云

云於戲牲牢報本所以答天地之殊休雷雨行恩所以答華夷之大慶御鳳閣而風雲助順揚鵝竿而士庶同歡眷惟文武之具僚並效忠勤之亮節佐我隆平之運寔多翊戴之勞方切注懷更宜宣力布告中外咸使聞知

太平興國三年南郊赦天下制

門下王者負宸居尊繼天垂統順三靈之睠命契萬國之歡心宵衣旰食以忘疲恤物愛民而為念自臨宸極再易炎涼朝政允釐嘉穀屢稔四海盡同於文軌九州重正於封疆顧菲薄以何功賴亨昊之降佑爰循舊典親祀上元獻琛而率土皆來執玉而諸侯畢會風雲助順羽衛增華慶皇祚之昌隆見禮容之繁盛而又三公庶尹中外具僚同傾愛戴之心奉我厖鴻之號億兆之願豈獨在予宜覃大眷之恩用洽可封之化可大赦天下云云於戲郊天祀地牲牢已薦於

至誠布惠行恩雨露均霑於萬彙灑渥澤而取疵盡滌出縲囚而囹圄皆空凡諸有位之臣體我無私之意更資忠力共贊皇圖寰區克致於太平竹帛永光於千古布告中外咸使聞知

太平興國六年南郊赦天下制十一月

門下王者總統垂尊握圖臨極法二儀而行化親萬務以忘勞兢兢如涉於大川蕩蕩期臻於至化日慎一日于茲六年八紘之文軌大同四序之陰陽不忒兵鋒偃戢年穀順成蘓杭千里之土疆盡歸臨照汾晉一方之生聚頓愈瘡痍邊陲戢息於戰塵宇宙但凝於和氣顧惟涼德亨是豐功蓋穹昊之降靈魚祖宗之垂祐虔伸大報特備嚴禋被袞冕以降圉壇薦牲牢而饗上帝而又中外列辟文武庶寮復以徽名加於眇質尊崇之執念何德以克堪億兆之心須柳情而從拘祇膺典禮良用兢慙宜覃作解之恩用洽蕃天之慶可大赦天

下云云於戲玉帛薦誠已陳於盛禮雲雷覃慶咸被於殊休効忠良者悉與旌酬員瑕釁者皆從滌盪百神受職萬國未庭當景運之昌隆凡禮容之繁盛風雲薦瑞士庶同歡更資有位之臣共贊無私之化各宣忠力永輔皇家布告寰區咸令知委

太平興國九年南郊改雍熙元年赦天下制十一月

門下惟皇撫運樹鴻業於中區惟辟奉天表至誠於大報既謹就陽之禮宜章及物之恩用慶昌期式符前典朕自膺寶運嗣守瑤圖九載于茲一心無怠雖寰區既乂敢忘於旰食宵衣而風雨不迷屢覩於年豐俗阜加以非煙甘露零霏繼瀆於人寰瑞獸珍禽馴擾咸歸於御苑四塞之干戈自息八方之文軌大同集是丕休匪由涼德斯益元亨之所降鑒清廟之所儲祥朕所以躬事禮燭告謝天地千官景從陪玉輅以拱宸諸侯駿奔叩元壇而助祭矧乃文物大備聲明

孔修嘗六變以升聞荷百神之昭格純嘏之錫豈獨在予思與萬邦
同茲大慶仍改紀元之號選均作解之恩可大赦天下改太平興國
九年為雍熙元年云云於歲景運方隆荷乾坤之眷祐異倫式序在
刑政以交修更賴文武蓋臣方岳庶尹各伸乃力共泰吾民無使擊
壤之謠獨美唐堯之代可封之俗但稱唐虞之朝凡在會靈知予厚
意

宋朝大詔全集卷第一百十九

宋朝大詔令集卷第一百二十

典禮五

南郊三

淳化四年南郊赦天下制 正月

門下我國家創業垂統踰三十年禮讓興行車書混一外則五侯九伯立屏翰之奇功內則三事庶察螿股肱之亮節共贊無私之化成茲不拔之基加以紫壇屢饗於天宗青路早修於農事既禮交而樂舉致遠肅而適安內顧眇躬享茲介福是用就上辛之良日薦大報之至誠乾坤既錫於鴻休祖考是崇於嚴配八蠻景附威伸助祭之儀百辟雲從盡展陪饗之禮觀士民之繁盛望雨露之駢羅思與普天同茲大慶宜布惟新之澤爰章作解之恩可大赦天下云云於戲郊天地以致誠明咸遵典故法陽春而施德澤盡滌瑕疵華夷共播

於歡聲宇宙徧凝於和氣更資有位益勵乃誠展安民濟物之謀助
旰食宵衣之化庶俾照臨之內俱躋富貴之期咨爾萬方咸知朕意

至道二年南郊天下制 正月

門下我國家千齡啟運百世其昌惟列聖之在天介鴻休于下土朕
自祗膺眷命嗣守皇圖垂三十餘年居億兆之上域中四大常師古
聖之言天下一家幸接隆平之運遠肅而變夷率服時和而風雨弗
迷盡禹別之九州來修厥貢懋堯咨之四岳咸建庶官刑政於是相
宣聲明以之大備夫何涼德集是玉休皆由九廟之儲靈寔荷二儀
之降鑒得不討論萬策博採乎禮精祇奉郊立興崇於祀事達孝思
於清廟祈景福於上元用薦精誠斯為大報百神知祉諸侯駿奔羅
羽衛於康莊煙霞動色設宮懸於兩觀金石成文千官扈蹕以雲從
萬姓歡呼而雷動禮終嚴祀嘉成昭事之心侯屬載揚庶布惟新之

慶宜覃恩宥博洽寰區可大赦天下云云於殿時常獻歲禮畢嚴禋
祖宗之純嘏無疆天地之祥符有耀仰資元貺敷佑蒼生更賴三事
大臣六師上將炳人文而宣化揚我武以定疆遠夫庶邦冢君凡百
執事咸有一德永享于休俾我邦家超絕前代盡善盡美不其禱歎
告示萬方明知朕意

咸平二年南郊赦天下制十一月

門下天祚明德民懷有仁惟景運之開階寔昊穹之曠命太祖皇帝
以武功定亂驅除八方四登泰壇親行大禮太宗皇帝以文德柔服
混成一統五奠玉府合祭二儀粵以沖人仰嗣玉權三年無改恭依
典禮之文百穀用成亟獲豐年之瑞退朝之暇內省于懷未熟化源
既成治定夫何涼德集是鴻休上由天地之元符人神叶贊復荷祖
宗之餘慶輔弼宣功履春冰而常積戰兢涉大川而詎知涯涘非惕

屬不能繼先業非精虔何以答上元必在乎假清廟而擁神休舉皇
儀而陳備物于以示昭報于以申孝思爰當亞歲之辰躬展事天之
禮玉帛在筭金石在懸一陽生而衆海會同九奏成而神祇下降禮
無違者天必從之宜覃作解之恩共洽無疆之祐可大赦天下云云
國容全盛天仗班旋非煙散朱雀之街旭日麗蒼龍之闕歡聲雷動
喜氣雲從肆士庶之榮歡顯皇天之大庆更賴文武多士將相蓋臣
各竭忠規順成元化同心同德咸罄於嘉猷無怠無荒不忘乎明誠
同底于道不其禱歟軍告萬方宜知朕意

咸平五年南郊赦天下制十一月

門下禮莫大於事天孝莫重於嚴父因心崇陟配之義垂訓樞為子
之規自伯考建萬世之基聖父纘重熙之業莫不三年而郊上帝九
廟以饗神宗用薦精誠以伸昭報傾予寡薄獲倚虔靈奉以周旋焉

敢廢墜矧乃寰區底定黎庶幾於小康農畝豐登稼穡呈於上瑞皆
元穹之所降佑列聖之所垂休得不飾備物以歡度并禋燎而報本
吉蠲之祀庸致福於兆民曠蕩之恩宜大賚於四海可大敢天下云
云於戲天下之至大萬務之至繁雖勵精以自強顧恭已而便治更
賴藩岳列辟股肱元臣暨禦侮之羣材迨盈庭之多士成盡忠於奉
上皆無隱乎厥誠俾予垂拱而仰成致俗一變而至道共臻多福永
孚天休

景德二年南郊赦天下制十一月

門下朕自仰紹慶基君臨寓縣奉若天道馴致時雍常念守位惟難
纂圖斯重納隍軫慮旰食視朝于今九年固敢逸豫幸元穹之降鑒
荷宗廟以垂休農祥荐臻邊候不警屬天正上元之日陳吉土饗帝
之儀因得躬執豆蓬祇見祖考牲牢備物珪幣薦誠四海九州皆來

助祭六變三獻斯用降神仰景貺之自天慶蒼生之蒙初報本既行於盛禮迎鑿乃御於應門萬國來庭集梯航而入貢九賓就列觀書執之混同直大賚於中區洽鴻恩於庶品永言純嘏豈獨在予吳楮肆肯之文式布惟新之澤可大赦天下云於戲順天行慶俾渙汗以惟均與物皆春淡幽澗而廣被偃革已臻於開泰垂衣方示於穆清更賴文武具僚中外列辟體君臣之同德罄金石之純誠躋政教於和平納生民於富壽共扶昌運永孚于休

天禧元年恭謝南郊赦天下制 正月辛亥

門下國家皇基博厚寶緒繇長繫三聖之永固啓千年之興運武功既集志恢復於封陸文教誕敷乃混司於書執內顧涼德夙稟詒謀爰暨纂承惟懷惕厲靈臺偃節豈欲乎佳兵璧沼崇儒但期乎化俗率由先訓副致大和諸侯述職以貢輸九域務農而滋殖庶事清簡

烝民阜安應上帝之降祥愧一人之有慶自元符之紹至獲盛則以
交修繼封祀以告成功勤撫巡而慰羣望並稽古道獲擁神休而復
丹府感通景輿來格示本源之深遠明世祚之著昌肅奉眸容欽聞
諄誨玉虛真聖誕示於願懷金闕仙宗茂彰於孚佑荷殊尤之丕既
竭崇報之至誠遠於太空之靈威上徽名之冊事天盡禮所以歸眷
命之仁尊祖致恭所以廣人倫之孝仍率嚴禋之令典聿伸昭謝之
虔誠百職具揚鴻儀云展克成祇薦諒符德兆之歡心仰導純禧宜
布雲雷之殊澤可大赦天下云云於戲展嚴恭之禮必罄於精衷推
浹洽之恩庶資於繁祉更賴忠良之佐同傾愛戴之心愉贊昌辰式
延丕祐咨爾中外體朕意焉

天禧三年南郊禋天下制十一月

門下朕仰欽皇緒夙奉虔基自列聖之貽謀遠眎躬之繼統兵戈銷

偃海域混同何啻不日慎若懷時乘在御絕畷遊而育物戒服玩以
敷風納民歸仁壽之區涉道究希夷之際撫安四極宥延萬靈表下
武以丁辰致彌文而熙載講求典禮肅恭神人燕履穆清幸懷沖粹
荷太霄之孚佑示祕籙以降祥雲運嘉亨景輿臨暨載聆諄誨邀悟
仙源勵翼彌聖欽修備至考古先之盛則畢封祀之洪徽崇尚真宗
登隆妙號庇羣生而是務達精意以忘勞乃至利建備闡奉承天緒
言念元良之嗣生知至德之方善訪名山特開真館膺壽昌之介祉
見忠孝以存誠疊委寶文愈昭殊應是月答願懷於穹厚展禋享於
壇壇薦玉幣以精虔陳豆籩而蠲潔金匏協奏文物駢羅九賓相儀
百神受職天祺總集既彰祚國之休王澤涵濡宜洽均禧之慶可大
赦天下云於戲展嚴恭之禮獲擁神休覃霽霽之恩式符衆望諒
周隆於虔賜增激勵於誠明更賴中外信成文武列辟竭以忠勤之

節傾其愛戴之心協贊重熙永膺多福

天聖二年南郊赦天下制十一月三日

門下二載一郊國朝茂典蓋所以報貺天地致虔祖宗盡欽翼之心
膺錫俾之福吳穹眷命三聖重光化無遠而胥懷惠無幽而不浹肆
予寡昧纂是隆平端宸永思臨淵積懼幸賴母儀申誨先烈在民三
事羣卿裨我以中道百工庶尹贊我以遠圖政嘗敦本閑邪刑必蠲
苛讐善造陸椒候方夏修歆南東之畝屢登陰陽之沴不作是用耒
甘泉之囊制訪委粟之前經度土就陽占辰亞歲預祠真館恭饗太
官乃涉嘉運肅陳景幣奉司戒絮千品協恭瞻來格於窈冥納降衷
於高厚天清日潤禮備樂崇克伸妥侑之文贊荷虎鴻之賜宜均渙
號溥及舍生可大赦天下云云於戲積累之業存乎時涵濡之澤加
乎遠邇家所著憲度甚明予惟遵行因敢失墜班朝文武有位忠賢

庶益盡規以弼涼德勿忘屢省稱朕意焉

天聖五年南郊赦天下制十一月十七

朕以紹膺端命祇服睿圖六載於茲萬機在念守大中之業訓遵聖善之懿猷被四表以宅心浹厚倫而從又有祈必應惟勤斯和歲事省成河流順復此皆三靈敷佑列聖顧懷乃底輯寧愈增惕厲奉先之道固竭於精衷報本之儀聿循於舊典既卜郊而叶吉粵定位之載嚴訟襲有初講求惟允格太宮而禋獻率廋肅雍類上章以燎熏並昭妥侑罄齊莊而備至荷躬饗以居歆矧乃真系去諷風展飲崇之禮王虛攸館將申袞對之文四寶賡以恃臨介純禱而舉集顯無疆之大慶宜獨在予需作解之洪恩式均有衆可大赦天下云云於戲天人交感繫默定之有象中外胥歡諒寵綏而宣洽尚賴既睦之宗戚同體之忠良暨諸通臣建夫庶士協一德以脩輔履四聰而必

聞慎固基尚振明紀律無隱厥志用恢永圖

天聖八年南郊赦天下制十一月

門下朕以寅畏大賈在宥多方紹列聖之宏基荷止穹之凝命何嘗
不動求治古訓致洪寧述惟祖始之遐源肅奉母儀之彌教允資日
慎丕顯時雍遠人無察匿之辭宰旅積規承之賦浮琛汎羽並占候
以采朝共穗并柯畫紛綸而紀瑞頌揚聲而載路糧播畝以如坻財
朕眇躬茂膺警烈此乃高厚之所均化幽明以之獻期是以祝告于
靈區裸將乎世室爰因景至祇薦陽郊精意為禋升煙而昭達羣望
咸秩受職以攸宜緝禮率脩鴻儀具舉回旅輅於曉闕藻羽衛於端
闈答天地之垂休法雨露之作解所以恩霽動植澤洎幽遐集中夏
之至歡既偕乃衆念萬邦之有罪敢忘在予思與衆濊同茲榮賚可
大赦天下 帝云於歲聖有謨訓固定保之弗違天惟顯思繫臆鑒而

斯久顧守文之不易懷降福之無疆尚賴台輔協恭著成敦德祇服
王室之政之底烝民之生益竭蓋臣以康恭字

景祐二年南郊赦天下制十一月十五日

門下朕擁天地之丕既席祖宗之慶基五典咸融兆民祇若休祥狎
應大田屢錫於豐年髦俊並生多士協寧於景運熙平在御燕翼有
光諸侯靖共納黎元於高庶三公論道升遺逸於簪紳豈惟沖人克
錄茂實必修報本之義以答上靈之心盛服展儀至日惟吉欽從護
訓率致精明清廟肅雍既備陳於圭璣闕宮靜位復恭薦於豆蓬被
袞就陽燎柴定位嚴配並饗率昭於至誠陟降交歡誕膺於純嘏念
紹庭之垂裕顧受福之永昌思與萬邦同茲大澤禮交樂舉既明嚴
上之規雷動風行宜覃渙汗之號可大赦天下云云於殿大事在祀
率從袞對之文與物為春用穆好生之化更賴朕肱良弼賢戚維藩

文武蓋臣中外庶尹體恭肅以濟輔本中和而在寬俾敷孝友之倫
咸躋仁壽之域翼宣王度永底時雍

景祐五年南郊改寶元元年赦天下制 十一月

升禮陟配誠孝所以兼申擁休肆肯人靈於是爰豫朕奉承丕祚欽
率先謀永惟置器之重浩若涉川之廣托在尊極弗敢違寧幸席成
規侵尋至治而疆陲賓款歲物頗蕃民罔時恫政克用人斯皆穹昊
開右之貺宗祐燕詒之謀幽贊于茲朕將何力內循涼寡期保顧存
是用圖講舊章臨修大報嚴飾壇兆潔豐粢盛度會迎長之辰躬陳
合祭之典至于前獻道祖悉裸昭廟蓋經禮必先之文庶哲王能享
之義措事之日備物有嚴百執駿奔三聖參侑獲率強力以底盛容
居歆在上降監如答廸拜貺之吉敢曰余勤需崇朝之澤方思衆共
再念嚮徇羣議許加徽名深揆浮實之華有乖克己之訓宜因冠號

俾易建元顧無專享之福更示惟新之命可大赦天下改景祐五年
為寶元元年云云逮下之愛方與物而皆昌屢省之勤冀後天而攸
奉尚賴三事庶尹列辟衆司交輸乃誠躋格鴻化茂對乾施永孚于
休